

# 永樂大典

卷二萬二千五百

七十一

永樂大典卷之二萬二千五百七十一 九編

集 大方等大集經五

寶女品第三之一 今時世尊。欲在欲色二界中間。大寶坊中。師子座上。與諸大衆。圍遶說法。今時會中。有一童女。名曰寶女。即從座起。右手執持。白真珠寶。而作是言。若我真實。能於十方。無量世界。受持如是。大集正典。讀誦書寫。演說其義。廣流布者。願此珠寶。著佛頂髻。及諸菩薩。說是語已。即擲珠寶。以佛神力。及以誠言。珠寶即在如來頂上。亦過一坊。諸菩薩首。而諸菩薩。各各自於首頂珠寶中。見其來世成佛之時。所有世界。菩提之樹。衆生調伏。及往願力。了了見知。見已。各各生奇特想。白佛言。世尊。是寶女者。云何乃有如是無量大功德耶。我於無量阿僧祇劫。所有誓願。今於一念。悉見了了。佛言。善哉善哉。善男子。寶女所言。是寶女者。已於過去九萬六億那由他佛。種諸善根。發大善願。所生之處。常得真實。是故是女。凡所思念。言無虛發。若欲令此大千世界。滿中寶華。即言而有。若言欲令滿此三千大千世界。種種妙香。言已即有。若欲示現種種形色。轉輪王色。天帝

永樂大典卷之二萬二千五百七十一

釋色。梵天王色。或沙門色。婆羅門色。或比丘色。比丘尼色。優婆塞色。優婆夷色。如言即得。若風災起時。轉為火災。火災起時。轉為水災。水災起時。轉為風災。如言即轉。若有魔王。將諸兵衆。執持刀杖。弓弩箭矢。鉞稍戈楯。欲令轉變。或寶華者。如言即成。若於空曠。無水多乏。為諸衆生。發大誓願。其中即有城邑聚落。人民大小。漿水無乏。若願三千大千世界。所有諸色。如如來色。即如其言。成佛妙色。若言一切所有大衆。悉住虛空。言已即住。善男子。若是寶女。欲於此處。虛空之中。遍聞十方。諸佛所說。如言即聞。善男子。寶女童女。成就如是。無量無邊。諸大功德。今時寶女。即於佛前。說偈歎曰。我今成就大寶聚。故能讚歎無上尊。遠離一切諸煩惱。具足大寶助。菩提。如來具足無上寶。大光能照無邊世。無上寶幢佛世尊。我今獻寶以供養。碑礫瑪瑙。青琉璃。金剛真珠。日月寶。以如是寶。供養佛。為令衆生成善。提。世尊身光勝諸寶。衆生樂見無疲厭。處在一方。見十方。令衆各見。前有佛。有見如來身行住。或見坐卧及說法。或見默然無所宣。或見入定修智慧。如來一一毛孔光。能照十方諸世界。光明清淨最無上。猶如秋月淨蓮華。今時寶女。偈讚佛已。復作是言。世尊。我今於此大集經中。欲少問義。如來若許。乃敢諮答。佛言。善哉善哉。寶女。隨意發問。若有疑網。我當為汝而

除滅之。今時寶女。即白佛言。世尊。云何實語。云何為實。云何法語。云何為法。云何義語。云何為義。云何毘尼語。云何毘尼義。佛言善哉善哉。至心諦聽。善當為汝分別。解說。寶女。菩薩摩訶薩。有三種實。何等為三。一者不誑諸佛。二者不誑己身。三者不誑眾生。云何名為不誑諸佛。己身。眾生。寶女。若有菩薩。發阿耨多羅三藐三菩提心。已。若在地獄。受大苦惱。若遇魔業。邪見。罔止。若生惡國。起惡煩惱。身遇刀稍。所刺燒炙。於如是時。終不捨離菩提之心。不休。不息。不悔。不悔。令菩提心。遂更增廣。為諸眾生。受大苦惱。見受苦者。心更增廣。勤修精進。欲得菩提。不為邪語之所誑惑。一切邪風。不能傾動。是名菩薩。不誑諸佛。己身。眾生。寶女。若有菩薩。不誑諸佛。己身。眾生。是名菩薩。真實之實。寶女。不誑諸佛。復有四事。一者其心堅固。二者住於至處。三者具足勢力。四者勤修精進。不誑己身。亦有四事。一者莊嚴。二者修慈。三者修悲。四者攝取寶女。是名菩薩。第一之實。菩薩實者。初發願時。不捨眾生。復次寶女。菩薩實者。不多語。守護語。不虛語。真實語。若在獨處。大眾。王邊。發言誠實。非為財貨。而故妄語。

永樂大典卷三萬三千五百七十一

二

非為自在。而故妄語。若有三千大千世界。滿中七寶。尚不為之。而生妄語。況餘小事。而妄語也。寶女。如是實者。有三十二淨。何等三十二。一者慚語。二者功德語。三者愧語。四者柔軟語。五者不虛語。六者無譏呵語。七者不貪著語。八者不畏語。九者閉諸惡道語。十者閉諸善道語。十一者聖行語。十二者慧行語。十三者內淨語。十四者外淨語。十五者樂受語。十六者樂聽語。十七者不澀語。十八者微妙語。十九者分別語。二十者妙音語。二十一者純善語。二十二者不誑語。二十三不執語。二十四者歡喜語。二十五者自勸諭語。二十六者勸諭他語。二十七者不失語。二十八者安隱語。二十九者福田語。三十者如佛語。三十一者寶圓遠語。三十二者淨口語。復次寶女。菩薩實者。凡所言說。口意相稱。云何名為口意相稱。修習。獲菩提。非因慳貪。而能得之。是名意口相稱。而語。能施一切。名之為實。修習淨戒。獲菩提。非因毀戒。而能得之。是名意口相稱。而語。如戒而住。名之為實。修習忍辱。獲菩提。非因瞋恚。而能得之。是名意口相稱。而語。具足修忍。是名為實。勤行精進。獲菩提。非因懈怠。而能得之。是名意口相稱。而語。修精進故。名之為實。修習禪定。獲菩提。非因亂心。而能得之。是名意口相稱。而語。修習定心。名之為實。修於智慧。獲菩提。非因愚癡。



永樂大典

卷三二五七一

而能得之。是名意口相稱而語。修智慧故。名之為實。三十七助菩提之法。四無量心。亦復如是。復次寶女。夫真實者。所謂聖行。聖行者。苦無常行。又復聖行所謂知苦。遠集證滅修道。知於五陰。無出生相。是名知苦。五陰因者。所謂愛結。畢竟遠離。不食不著。不讚不來。不去不來。是名離集。滅一切相。然其滅時。無一法滅。不平等法。作平等法。是名證滅。觀者摩他。是婆舍那。其相平等。無覺無觀。無有平等。無繫無取。無作無變。是名修道。真實了知。如是等語。又能分別廣說其義。是名菩薩摩訶薩實說。是真實法時。十千菩薩得真實忍。復次寶女。法語者。凡所演說。依法而語。觀法念法。奉行於法。行至處法。求法欲法。樂法修法。法幢法仗。莊嚴法器。法燈法明。法念法意。法有法所。莊嚴瓔珞。法林法儀。法護法財。法無窮盡。廣大無邊。法事法身。法口法意。菩薩摩訶薩。具足成就。如是等法。是名法語。法語者。真實之語。守護法語。教人供養父母。和尚耆舊。有德讚歎菩提。及菩提道。令人不捨菩提之心。至心繫念。不忘菩提。不離莊嚴。修菩提法。親近賢聖。善知識等。修習信心。專念聽法。恭求正法。勤於精進。不貪著法。知思緣樂於寂靜。不斷聖種。教化頭陀。勸行十善。讚歎惠施。一切善法。願向善提。至心受持。清淨戒律。修習忍辱。除去懈怠。修淨禪定。智慧方便。慈悲喜捨。修四

永樂大典卷三二五七一

三

真諦趣向於諦。四無礙智。得大神通。隨順法施。修四念處。乃至修習八聖道。分定慧二法。得智解脫。如法解說。聲聞緣覺。菩薩諸乘。讚說一切所有福德。當觀十二甚深因緣。分別空門。無相無願。無所畏懼。說五陰如幻如化。說十八界如虛空相。說諸入性。同於空性。常說七財。六念六敬。解說具足。六波羅蜜。說六常行。修六神通。具足五眼。說第一義。流布世間。成就業語。一切衆生。其心平等。讚歎佛語。寶女。若有菩薩。具足如是法語。口終不說我語。不說衆生語。不說壽命語。不說士夫語。不說斷語。不說常語。不說有見語。不說無見語。不說兩斷語。不著中語。不說聚語。不說滅語。不說諦語。不說偏語。不覺知語。不顛倒語。不增疑心語。不逆法語。觀法界語。欣愉慢語。說法善薩。如法而住。如法而說。實語法語。不斷語。不折語。說法善薩。一切世間。不能共論。見者怖畏。法語善薩。能演說空。無相無願。不著三界。及以諸有。則不受生。本性清淨。義在寂寞。不從他乞。寶女。法者則不可獲。無有文字。而無言說。亦無辭。無色無見。亦無所趣。無言誨。亦無所教。無心意識。無有塵垢。無明無闇。不繫屬他。不繫屬自。無有高下。不雜一切境界。因緣。清淨寂靜。無有等首難知難覺。不可思議。不可思惟。行清淨智者。乃能知之。無受受者。永斷諸受。過於三世。不滅無滅相。不生無生相。無有量

儉。無斷無增無減。無富有。無已有。非修非見。非魔見。非真見。非相非非相。非一相而亦一相。非有屋宅。遠離屋宅。非近非遠。非離非別。非縛非解。非有漏。非無漏。亦非相似。非若非樂。非具足。非不具足。非名非色。非著非脫。非破非完。雖非全剛。不可壞相。真寶如金剛。非近非遠。無色無因。亦非頑。非此非彼。非內非外。非自非他。非見非聞。非憶非忘。非識非知。非識境界。非知境界。實女是名為法。若能廣說如是等法。是名說法。復次實女法語菩薩。不與一切世間誇競。不輕不慢。於他未學。心不輕笑。不生高心。不自讚歎。不誇他說。不以飲食為他說法。不遮他善。令生疑惑。見他犯罪。終不說之。於他法中。不生輕賤。不遮止他。所修行法。凡所說法。不離於空。無相無願。終不分別。一切法界。不動法界。不動實性。不依字識。人不了義。雖不依止。亦不誹謗。於自他眾。不生分別。亦不誹謗。十二因緣。非在世間。淨於世間。非法淨法。無貪無慳。無有毀戒。不捨破戒。無瞋無垢。無有懈怠。不失道心。不忘菩提。為欲莊嚴。無上智慧。不休不息。心不生悔。於他法中。心無妬嫉。不以著於非修多羅。謗修多羅。毗尼摩。得勒伽。亦復如是。於正法所。終不見非。不因於慢。而增長慢。不謗因果。及業果報。於正法中。心無退轉。知思念。報之不忘。終不懷抱。瞋恨之心。不著我見。不嫉他利。於恣

永樂大典卷二萬三千五百七十二

親中。無有二想。得他讚刺。終不報之。不作兩舌。聞亂彼此。不懷詭曲。顯異惑眾。不為他喜。受菩薩戒。比丘戒。比丘尼戒。式叉摩那戒。沙彌戒。沙彌尼戒。優婆塞戒。優婆夷戒。住空閑處。思惟寂默。勤心受讀。十二部經。不為勝他故。受持守護。如是等戒。不為供養。現作知足。不為顯他。不知足故。自修知足。不言諸佛。無上菩提。他之所作。不造惡業。邪惡活命。不捨七財。不貪於食。不斷聖種。不誹謗他。不自讚歎。於佛法中。不作數量。讚歎大乘。心無厭足。是名法語。尔時世尊。復告寶女。菩薩義者。云何名義。所謂信心。修莊嚴時。無有虛誑。為欲莊嚴一切善根。至心專念。修行善法。破眾生疑。不求果報。施諸眾生。安隱快樂。護持禁戒。不失忍心。勤修精進。增長善法。修寂靜定。攝諸散亂。其無上智。破無明闇。修習慈心。修習悲心。隨眾所作。親往營理。修習喜心。施眾法喜。修習捨心。不觀苦樂。捨財法已。心無悔悔。所言柔軟。壞眾惡心。利益於他。其足甚深。修行同事。勸發大乘。以是四攝。調伏眾生。見一切行。皆是無常。若空無我。淨諸煩惱。依止於義。不依於字。依止於智。不依於識。依了義經。捨不了義。依止於法。不依於人。說義無礙。無有窮盡。而於法界。無所分別。說解無礙。獲得解脫。說樂說無礙。如法而說。莊嚴惠施。不知厭足。莊嚴於戒。善願成就。莊嚴多聞。如法而作。莊



嚴功德。具足相好。莊嚴智慧。知諸衆生。上中下根。差別之相。莊嚴於定。而心清淨。莊嚴於智。得三種慧。修四念處。為心不散亂。修四正勤。而得善根。修四如意。往來諸方。修習五根。辨分別句。修習五力。為壞煩惱。修七覺。為知諸法。修八正道。不為惡動。修習神通。為不退失。菩薩摩訶薩。解如是義。是名為義。若有菩薩。能說是義。是名說義。復次寶女。又復義者。修習空定。壞諸有法。修習無相。壞諸法相。修習無願。不求三界。若能演說。如是三空。是名說義。一切諸行。不可修行。是名為義。菩薩說。是不可修行。是名說義。斷一切生。是名為義。菩薩若說。諸法無生。是名說義。諸有無出。是名為義。如是說者。是名說義。四真諦者。名之為義。如是說者。是名說義。無我我所。名之為義。如是說者。是名說義。字不可說。名之為義。如是說者。是名說義。真實之義。名之為義。如是說者。是名說義。一切菩提之法。不可稱計。是名為義。菩薩摩訶薩。如是說者。是名說義。多聞之人。如法而住。是名為義。如是說者。是名說義。一切諸乘。大來為最。是名為義。能如是說。是名說義。復次寶女。無所分別。名之為義。無有衆生。亦無壽命。一味不動。不盡一事。不生不出。不來不去。不滅不二。不可親見。無有造作。無為無作。心不詭曲。三世平等。三法無差。不失不得。不熱不冷。不淨不穢。不行如舍。不取不捨。

非道示道。非常非斷。亦非中道。不瞋不濁。不觀於法。及以非法。非一切字者。聲詞語。無心意識。於貪瞋癡。不生分別。一切諸法。作相有相。空無相。願是三即空。真實入法。等與不等。皆悉平等。因於智慧。獲得解脫。寶女。菩薩若能具如是義。是名為義。說如是義。是名為義。寶女。云何菩薩。說於毗尼。佛說毗尼。凡有二種。何等為二。一者犯毗尼。二者煩惱毗尼。云何為犯。云何毗尼。犯已。尋覺。不善思惟。因於無明。顛倒虛妄。欺誑煩惱。著我衆生。疑網之心。不得解脫。悼悔憍慢。放逸寡聞。因如是等。是名為犯。若破疑心。獲得解脫。得解脫故。見有犯處。即是非處。亦非。非處。非身口意。不取不捨。不可親見。非是身作。及心口作。若是三作。即是滅法。若是滅法。誰作誰犯。如犯一切諸法。亦復如是。諸法無根。無住無處。若能破壞。如是等說。是名為淨。是名不熱。隨師教作。是名有信。是名有定。是名毗尼。云何煩惱。云何毗尼。十二有枝。所謂無明乃至老死。是名煩惱。性能調伏。一切煩惱。是名毘尼。何以故。空無相願。能調諸法。若法是空。無有性相。不可願者。云何而有貪患癡等。無作能調一切諸法。若一切法。不可作者。云何而有煩惱諸結。一切諸法。從因緣生。若從緣生。云何可見。見如是等。十二有枝。亦知煩惱。及煩惱相。若是空智。能觀菩提。即以此空。空於煩惱。若能觀察。如是平等。

是名毘尼。若能如是。演說義者。是名菩薩。能說毘尼。若是毘尼。能知我者。即是了知。煩惱毘尼。云何名爲知我毘尼。謂觀無我。觀於我性。知我淨。我實。知我分別。我空。我修。知我不動。不說不著。不生不滅。若能如是。知於我者。即是了知。煩惱毘尼。若實無我。而作我想。於無煩惱。作煩惱想。亦復如是。若我本無。煩惱亦無。若有具足。是妻舍那。則能如是。觀察了知。是名知我。煩惱毘尼。煩惱者。非過去未來。現在。若能不作。不念不取。是名知於煩惱。毘尼。毘尼亦非去未現在。如心非色。非內非外。亦非中間。煩惱亦非。非色非內非外。及以中間。何以故。無覺知故。無諍競故。無清淨故。無造作故。若能如是。知諸煩惱。出不滅。是名了知。煩惱毘尼。寶女。菩薩若得如是等。知煩惱毘尼。亦爲衆生。說如是法。是名菩薩演說毘尼。說是法時。十千菩薩。得無生忍。余時寶女。心大歡喜。前白佛言。世尊。如來所說。真實法義。及以毘尼。不可思議。若有菩薩。能如是說。是人則能實知實見。余時舍利弗。語寶女言。汝今已具如是等法。能演說不。寶女答言。大德。舍利弗。實名無貪。無貪即義。如是義者。即不可說。不可說者。即是毘尼。大德。若如是者。云何可說。復次舍利弗。實者即滅。滅者即法。法者即淨。淨者即義。義者即毘尼。如是等法。無有文字。若無文字。云何可說。大德。實者即如。如者即法。

法即無二。無二即義。夫無二者。亦不可調。若不可調。云何名調。如是等法。悉無所有。若無所有。云何可說。舍利弗言。汝今成就何等寶故。如如是名。名寶女耶。答言。大德。有三十二菩薩寶心。如是心中。悉無聲聞辟支佛心。何等三十二。一者發心。爲度一切諸衆生故。二者發心。爲令佛種不斷絕故。三者發心。爲持佛法不滅盡故。四者發心。守護僧故。五者發心。爲施衆生聖法之樂。六者發心。爲諸衆生。修習大慈。令衆遠離煩惱諸苦。七者發心。修習大慈。捨內外物。八者發心。護持禁戒。調毀戒故。九者發心。修忍。破壞不忍。偷慢惡心。顛心。醉心。狂心。放逸自在心故。十者發心。精進。爲破懈怠。息是退悔心。調伏懈怠。諸衆生故。十一者發心。修定。爲破亂心。狂心。妄念。爲令衆生。獲得四禪。及八解脫。調伏欲界諸衆生故。十二者發心。修智。破一切闇。真實知見。入於法界。十三者發心。爲知衆生。平等無二。皆一味。故。十四者發心。爲得無貪無瞋。利衰毀譽。其心無二。安住善法。苦樂不動。爲如是等。護衆生故。十五者發心。爲得無怖無畏。欲解甚深十二因緣。離一切見。十六者發心。爲欲莊嚴智慧。及以功德。無有厭足。十七者發心。爲欲不離見佛。常聞法故。十八者發心。爲欲如聞而說。十九者發心。爲得廣大法聚。心無貪恪。二十者發心。爲欲讚歎淨戒。如聞而住。教化慰喻。毀禁人。



永樂大典

卷二二五七一

故。二十一者發心。為破一切眾生七種慢故。二十二者發心。為知一切眾生。上中下根。二十三者發心。為破諸魔惡業。二十四者發心。為施眾生安樂。二十五者發心。為欲破壞眾生所有。眾苦。心不生悔。二十六者發心。為欲具足成就。得佛法故。二十七者發心。為知有為之法。一切無常苦無我故。知已不離。心無厭悔。二十八者發心。為樂修習。一切助菩提法。二十九者發心。為見空無相願。以眾生故。而不取證。三十者發心。為於雖長諸有。亦護諸有。三十一者發心。為於見生死過。而不厭悔。三十二者發心。為於若近菩提。受無上樂。捨是妙樂。為眾生故。受貧窮苦。舍利弗。是三十二發心之實。志無聲聞辟支佛心。是故菩薩。名為實聚。今時世尊。讚實女言。善哉善哉。汝真實說菩薩摩訶薩發菩提心。而菩提心。成就無量無邊功德。不可齊說三十二事。何以故。非聲聞實。能得佛寶。非緣覺實。能得佛寶。以菩薩實。能得佛寶。得佛寶已。則得聲聞辟支佛寶。菩薩佛寶。是故菩薩。名為實聚。今時舍利弗。白佛言。世尊。實女所說。不可思議。我觀其說。是女似得四無礙智。佛告舍利弗。汝今方謂是女。未得四無礙耶。是女久已成就。具足實女說法。字不可盡。文句義味。亦不可盡。時舍利弗。語實女言。仁者。今當廣分別說。四無礙智。實女言。大德。四無礙智。於一切法。志成其事。大

永樂大典卷二二五七一

七

德。菩提心者。名無礙句。何以故。菩提心中。攝諸義故。是名義無礙智。一切法界。入菩提心。是名法無礙智。實無文字。而說文字。是名辭無礙智。不可說法。說不斷絕。是名樂說無礙智。義不可說。名義無礙。一切諸法。皆如幻相。名法無礙。無言說業。名辭無礙。於六入界。無有障礙。名樂說無礙。了達於義。名義無礙。樂於寂靜。名法無礙。字不合法。法不合法。名辭無礙。說即是聲。名樂說無礙。如來正覺。即菩提義。名義無礙。菩提義者。能生於法。名法無礙。法可作句。名辭無礙。說已得義。名樂說無礙。法義者。名義無礙。辭脫者。名法無礙。演說法相。非有法性。名辭無礙。分別法界。及非法界。名樂說無礙。僧即無為。名義無礙。諸僧一味。名法無礙。和合僧故。名辭無礙。說者。發心已來。為久近耶。在何佛邊。獲諸善根。佛言舍利弗。過去無量阿僧祇劫。爾時有佛。號分別見如來。應供。正遍知。明行足。善逝。世間解。無上士。調御丈夫。天人師。佛世尊。土名大淨。如兜率天。與菩薩僧。七萬六千。一切皆是清淨梵行。得不退轉。陀羅尼門。爾時有轉輪聖王。名淨德報。至千世界。而得自在。復官姝女。八萬四千。千子具足。其力皆等。蓮華力士。爾時聖王。於三萬六千億歲。種種供養。佛及菩薩。所謂房舍財具。衣服飲食。病瘦



醫藥。舍利弗言。世尊不審彼佛。壽命幾時。舍利弗。其佛壽命。滿十中劫。時轉輪王。與其後宮。眷屬姝女。及外人民。九萬二千億。那由他。貴持種種。無量無邊。供養之具。往至佛所。以八千億。上妙珍寶。而散佛上。頭面作禮。長跪合掌。口宣是言。世尊。我今所設供養之具。頗復更有殊勝供養。勝我者不。時佛答言。大王。有異供養。勝諸供養。如是供養。於此供養。百分千倍。萬分百千萬分。不及其一。王言。世尊。是何供養。願樂欲聞。唯願說之。爾時世尊。即說偈曰。如恒河沙等世界。滿中妙寶。持用施。雖有如是無量福。不如憐愍發菩提無量億等。恒沙佛淨妙華香。以供養。如是福德。猶不如發菩提心。七不退。如是發心。即為摧滅。惡精進。禪智慧。若為憐愍發大心。其福無量。不可盡。上色力財。上族姓。是人乃能發菩提。三千世界。互梵天。得大自在。乃能發若樂喜發菩提心。如是乃能斷惡。有能為人。天闍正路。能開八難。邪險徑。諸根具足。不盲聾。皆由至心發菩提。能見十方諸世尊。能聞天上甘露味。若能至心發菩提。是人能破疑憍慢。無量智慧。得自在。能為眾生說法界。眾生見之如父母。亦如良醫師。友想。能除眾生煩惱病。教誨令趣菩提道。爾時聖王聞佛說是發菩提心。所得功德。其心歡喜。踊躍無量。與其眷屬。內外人民。悉發阿耨多羅三藐三菩提心。即於佛前。而說偈

永樂大典卷之五十五頁十一

言。我今憐愍於眾生。是故發此菩提心。若欲獲得大自在。不應於此生退轉。生死無量受苦惱。而於自他無利益。寧發此心受大苦。非以不發受安樂。若有眾生發菩提。即得人天聖王樂。及得無上菩提樂。最上慈忍三昧定。具四無量及六度。三種淨慧六神通。四無礙智大自在。無上十方力。四無畏。及三念處。及大悲。成就具足十八法。如是皆由發菩提。能動十方諸世界。亦知十方眾生心。能度無量諸眾生。皆由發於菩提心。舍利弗。說是偈時。四萬天人。無量眾生。皆發阿耨多羅三藐三菩提心。爾時聖王。復於萬億年中。供養彼佛。供養佛已。厭世出家。既出家已。思惟四句。一者實句。二者法句。三者義句。四者調句。於一億年。常思如是四句之義。舍利弗。汝知爾時轉輪聖王。豈異人乎。即實女是也。舍利弗言。世尊。何業緣故。受是女身。佛言。舍利弗。一切菩薩。不以女業。而受身也。乃以神通智慧之力。示女身。身。為欲調伏諸眾生故。舍利弗。汝今實謂實女菩薩。是女身耶。莫造斯觀。何以故。受女身者。即是慧力神通之力。舍利弗。是女久已於無量劫中。離男女身。如是身者。非是過去。亦非未來。現在。此身即方便身。化此世界。九萬二千諸女人等。發阿耨多羅三藐三菩提心。是故示現是方便身。爾時寶女。語舍利弗。大德。汝今能以女人之身。說正法耶。舍利弗言。我於

男身。尚生歎悔。况女身乎。舍利弗。汝於男身。生歎悔耶。舍利弗言。如是如是。大德。是故菩薩勝諸聲聞辟支佛等。何以故。汝諸聲聞所歎悔處。菩薩於中。受樂不悔。聲聞之人。不求諸有。菩薩於中。甘樂受之。聲聞之人。於諸功德。生知足想。菩薩之人。無有知足。聲聞之人。歎離煩惱。菩薩之人。處而不懼。舍利弗言。實女菩薩之人。有何等力。以是力故。心無厭離。實女答言。大德。菩薩摩訶薩。有八種力。處之無厭。何等為八。一者慈力。心無礙故。二者悲力。為調伏故。三者實力。不誑諸佛已身象生故。四者慧力。離煩惱故。五者方便力。心不悔故。六者功德力。無所畏故。七者智力。壞無明故。八者精進力。破放逸故。是名八力。菩薩具足如是八力。其心不悔。舍利弗言。實女。汝今已具是八力耶。答言。大德。言具足者。即是顛倒。顛倒者。即是二相。二相者。即是有為。有為者。即無所有。無所有者。即是平等。大德。若平等者。云何有力。云何無力。云何可說。一二之數。大德。一切諸法。皆如虛空。而是虛空。不可說內。不可說外。不可說明。不可說闇。一切諸法。亦復如是。若一切法。同虛空者。云何可說。有力無力。一二之數。大德。菩薩摩訶薩。亦有力。亦無力。云何有力。云何無力。無煩惱力。有智慧力。無慳吝力。有惠施力。無破戒力。有持戒力。無瞋恚力。有忍辱力。無懈怠力。有精進力。無亂意力。有禪定力。無無明力。有智慧力。是故菩薩。無惡法力。有善法力。今時世尊讚實女言。善哉善哉。若有善男子。善女人。能如是說。即是實說。實女菩薩。說是法時。五百菩薩。成就忍心。

永樂大典卷二萬二千五百七十一

九

永樂大典卷之二萬二千五百七十一